

法苑珠林卷第四十

輔十

唐西明寺沙門釋道世撰

舍利篇第三十七

吐有五部

述意部

引證部

佛影部

分法部

感福部

述意部第一

第十一

夫聖德遐邇冠絕人天理妙六經神高百氏超羣有之遺蹤越賢良之勝迹化緣既終從俗韜光故雙樹八枝隨義所表舍利八分亦遂緣感會入金剛定預碎全身欲使福被天

人功流海陸至於牙齒髮爪之屬頂蓋目睛之流衣鉢杖之具坐處足蹈之迹囊括今古聖變無窮祥應荐臻瑞光頻朗賢愚共覩豈猜來惑且如三皇五帝夏殷文武孔丘莊老惟聖惟賢共遵共敬莫不葬骨五泉遺塵

九土聲光寂寥孰識其蹤罕知生福奚感來報豈比能仁大聖形影垂芳應感之道不窮敬仰之風逾遠紹化迹於大千拔沉冥於沙界致使開示之道隨義或殊會空之旨齊其一實也

引證部第二

舍利者西域梵語此云骨身恐濫凡夫死人之骨故存梵本之名舍利有其三種一是骨舍利其色白也二是髮舍利其色黑也三是肉舍利其色赤也菩薩羅漢等亦有三種若是佛舍利推打不碎若是弟子舍利推擊便破矣又菩薩處胎經云世尊告諸大眾念我古昔所行功德捨身受身非一非二今當爲汝說一形法諸佛全身舍利盡在下金剛利中金剛利厚八十四萬億里下有諸佛碎身

輔十一

二

舍利盡在彼刹彼有佛刹名曰妙香佛名不  
住如來十號具足今現在說法佛告大衆碎  
身舍利下厚八十四萬億里國土清淨佛名  
遍光十號具足彼佛今現在說法復下有國  
土名施無盡藏佛名勸助復下有國土名法

鼓佛名善見彼土乃有全身舍利過去億千  
萬佛皆留舍利彼土舍利我亦有分又海龍  
王經云爾時諸龍白佛言今世尊還閻浮利  
地海中諸龍無所依仰惟加大哀佛滅度時  
在此大海留全舍利一切衆類皆得供養轉  
輔十  
加功德速脫龍身疾得無上正真之道唯佛  
垂恩威德兼加所願得果佛言善哉從爾所  
志須菩提謂諸龍言一切人天舍利須普遍  
蒙獲濟卿等求願使佛舍利獨全奉侍一切  
衆生何緣得度諸龍答言唯須菩提勿宣斯

言無以已身限礙之智以限如來無極之慧  
如來聖德無不變現三千世界各化現佛  
全舍利不增不減普現一切譬喻如日影現於  
水中佛亦不生亦不滅度云何欲限如來智  
慧者乎須菩提聞默而無言佛歎諸龍仁等

賢明誠如所云無有異也佛道高妙無邊無  
際無方無圓無廣無狹無遠無近譬如虛空  
不可爲喻

### 佛影部第三

如觀佛三昧經云佛初留影石室在那乾呵  
輔十  
羅國毒龍池側阿那斯山巖南有五羅刹女  
與毒龍通恒降雨雹百姓飢疫已歷四年時  
王禱祀呪龍羅刹女氣盛呪術不行王長跪  
合掌讚佛通慧應知我心願屈慈悲光臨此  
國爾時如來往至彼國龍興雷電鱗甲烟焰

五羅刹女眼如掣電時金剛神手把大杵杵頭火然如旋火輪燒惡龍身龍王驚怖走入佛影如甘露灑見諸金剛極大惶怖爲佛作禮五羅刹女亦禮如來龍王於其池中出寶臺奉佛佛言不須汝臺但以羅刹石窟施我

轉十

三

諸天各脫寶衣拂窟佛攝神足獨入石室令此石上變爲七寶時龍爲四大弟子及阿難造石窟爾時世尊從石窟出時龍聞佛還國啼哭雨淚云何捨我我不見佛當作惡事墜墮惡道佛安慰龍我受汝請當坐汝窟中經

如菩薩處胎經云時八國王共諍舍利有一大臣名優波吉諫八國王何爲興兵共相征伐爾時帝釋即現爲人語王言我等諸天亦當有分若共諍力則有勝負幸可見與勿足爲難爾時阿耨達龍王文鄰龍王伊那鉢龍王語八王言我等亦應有分若不見與力足相伏時臣優波吉告言諸君並止舍利宜共分之何須見諍即分爲三分一分與諸天一分與龍王一分與八王分甕受一石餘此臣

轉十

四

以蜜塗甕裏以甕量分諸天得舍利還於天上即起七寶塔龍得舍利還於宮中起七寶塔臣優波吉著甕舍利并甕亦起寶塔灰及土量得四十九斛亦起四十九寶塔闍維處亦起寶塔高三十九仞一丈八尺又阿育王經云

八國王諱舍利各起兵天帝釋自下曉喻以千五百歲佛坐窟中作十八變踊身入石猶如明鏡在於石內映現於外遠望則見近望不現諸天百千供養佛影影亦說法迄今猶現

金闕分之闍王共數各得八萬四千舍利惟  
有佛口一髭無敢取者以闍王初來得舍利  
及髭還大歡喜作樂動天難頭禾龍王化作  
人身到泥洹所道逢闍王還語王言可持一  
分見與王言不可得龍王言我是難頭禾龍  
能舉鄉國土著八萬里外磨碎成屑闍王怖

懼即奉佛髭與之龍王即還須彌山下起水  
高八萬四千里起水精琉璃塔闍王終後阿  
育王得其國土時有大臣白阿育王言難頭  
禾龍先輕闍王奪佛髭去阿育王聞大瞋怒  
即勅諸鬼神王作鐵網鐵直縱置須彌山下  
水中欲縛取龍王龍大驚怖共設計言阿育  
事佛當伺其卧取宮殿移著須彌山下水中  
其瞋必息即便遣龍捧取阿育王宮殿王卧覺  
不知是何處見水精塔高八萬四千里喜怖

補十

五

交心龍自出謝言闍王自與我佛髭我不奪  
也佛在世時與我要言般泥洹後劫盡之時  
所有經戒及袈裟應器我皆當取藏著是塔  
中彌勒來下當復出著阿育王聞此言大謝  
實不知此龍王便使諸龍還復王宮殿置於  
本處

又善見論云帝釋宮內有二舍利一佛右牙

二佛右闕壅骨

又十誦律云佛般泥洹八國皆來求舍利各  
舉四兵八軍圍遶有一婆羅門姓煙高聲大  
唱言諸力士舍利現在當分作八分諸力士  
言敬如來議更復唱言盛舍利瓶請以見惠  
還頭那羅聚落起塔時畢波羅延那婆羅門  
復請燒佛處炭還國起塔時拘尸城力士得  
第一分起塔舍利即於國中起塔波婆國得

第二分舍利還歸起塔羅摩聚落拘樓羅得  
第三分舍利還歸起塔遮勒國諸刹帝利得  
第四分還國起塔毗兜諸婆羅門得第五分  
還國起塔毗耶離諸利昌得第六分還國起  
塔迦毗羅婆國諸釋子得第七分還國起塔

摩伽陀國主阿闍世王得第八分還王舍城  
起塔姓煙婆羅門得盛舍利瓶還頭那羅聚  
落起塔畢波羅延婆羅門得炭還國起塔爾  
時閻浮提中八舍利塔第九瓶塔第十炭塔  
自此已後起無量塔

又阿育王經云昔阿怒伽王欲取阿闍世王

補十  
所舉舍利阿闍世王著洹河中作大鐵劔輪  
使水輪轉著舍利處種種方便取不能得問  
蓮華比丘云何可得比丘答言擲數千斛奈  
著中可得止輪尋用此語以奈著於水中偶

試一柰柰隨機關孔中劔輪即定更不迴轉  
然大龍王守護都不可得王時間言何由可  
得答言龍王福勝無由可得問言云何知彼  
福勝以金鑄作龍像及以王像以秤稱之重  
者福勝即時稱量龍像倍重王見此事即勤  
修福既修福已復更鑄像復更稱量王像龍  
像稱量正等王更修福復更鑄像稱看王像  
轉重王知像重將諸軍衆往到水邊龍王自  
出獻種種寶王語龍言阿闍世王遣我舍利  
我今欲取龍王自知威力不如即將王至舍  
利所開門取舍利與阿闍世王所造油燈始  
欲盡燭舍利既出燈亦盡滅王怪而問蓮華  
比丘云何阿闍世王裁量油燈至取舍利方  
始乃滅尊者答言彼時有善筭者計百年中  
用爾許油用如是計故使至今也

感福部第五

如大悲經云爾時世尊告阿難我滅度後若有人乃至供養我之舍利如芥子等恭敬尊重謙下供養我說是人以此善根一切皆得涅槃界盡涅槃際若有造立形像塔廟乃有

信心念佛功德乃至一華散於空中我說是人以此善根一切皆當得涅槃界盡涅槃際

佛告阿難若有衆生以念佛故乃至一華散

於空中如是福德所得果報不可窮盡若有衆生以至誠心念佛功德乃至一華散於空

中於未來世當得釋天王梵天王轉輪聖王於其福報亦不能盡施佛福田不以有爲果報所能盡邊我說是人必得涅槃盡涅槃際乃至若有畜生於佛世尊能生念者我亦說其善根福報當得涅槃盡涅槃際若有三千

大千世界滿中四沙門果及辟支佛如甘蔗竹筍若有人能若現在若滅後起塔供養若一劫若減一劫以諸稱意一切樂具恭敬尊重謙下供養若復有人於諸佛所但一合掌一稱佛名如是福德比前福德百分不及一千分百千億分乃至迦羅分不及一何以故以佛如來諸福田中爲最無上是故施佛成大功德神通威力頌曰

金軀遺散骨 寶塔遍天龍 創開於十塔終成八萬興 珠蓋靈光變 刹柱吐芙蓉

方知聖巨窮

感應緣

隋引一十六  
略  
有五十三州

漢僧道角法

魏外國沙門金盤貯舍利五色騰焰

吳康僧會祈舍利

孫皓毀法舍利揚彩

晉竺長舒以舍利投水中五色光現

晉董汪家木像舍利發光

晉廣陵舍利放光

晉比僧法開建寺求舍利

晉孟景建寺獲舍利三顆

晉義熙有一舍利自分爲三

將舍利五粒五色直上空中旋環如蓋映蔽日光摩騰羅漢踊身高飛居空如地履地如空神化自在爲衆說法天雨寶華散佛僧上天樂異音大眾同聞度人無量廣如下破邪篇說

魏明帝洛城中本有三寺其一在宮之西每

繫舍利在旛刹之上輒斥見宮內帝患之將毀除壞時有外國沙門居寺乃齋金盤盛水水貯舍利五色光明騰焰不息帝見歎曰非夫神効安得爾乎乃於道東造周間百間名

宋劉凝之額下得舍利一枚

宋徐椿讀經得二舍利

漢法內傳云明帝既弘佛法立寺度僧五岳

山館諸道士等請求角試釋老優劣道經以火試焚隨火消盡道士衆首費才愧耻自感衆前而死張衍啓悟競共出家于時西域所

爲官佛圖精舍矣

吳孫權赤烏四年有外國沙門康僧會創達江表設像行道吳人以爲妖異以狀聞之權召會問佛有何靈瑞曰佛晦靈迹遺骨舍利應現無方權曰何在曰佛神迹感通祈求可

獲權曰若得舍利當爲興寺經三七日至誠求請遂獲瓶中旦呈於權光照宮殿權執瓶寫于銅盤舍利下衝盤即破碎權大驚異希有瑞也會進曰佛之靈骨金剛不朽劫火不焦椎砧不碎權使力者盡力擊之椎砧俱陷舍利不損光明四射耀晃人目又以火燒騰光上踊作大蓮華權大發信乃爲立寺名爲建初改所住地名佛陀里

孫皓虐政將欲除屏佛法燔經夷塔有臣諫曰且少寬假知無神驗誅除不晚皓從之召

會曰若能驗現於目前助君興之如其不能將廢加戮會曰佛以緣應感而必通既給假請効不難皓與期三日于時僧衆百餘同集會寺皓陳兵圍寺刀鋸齊至剋期就戮僧恐無靈先自縊繫者會謂衆曰佛留舍利止在今

時前已有驗今豈罔哉恰期便獲乃進於皓

此是如來金剛之骨志誠貢獲設以百鈞之杵終無微毀皓曰金石可磨枯骨豈堅沙門面欺抵速死耳乃更置之鐵砧以金椎擊之金鐵並凹而舍利如固又以清水行之舍利揚光散彩洞燭一殿皓乃欣欣伏信革誠膺化

晉初竺長舒先有舍利重之其子爲沙門名法顏每欲還俗笑曰舍利是沙石耳何足可貴父投之水中五色三帀光高數尺見徵生

信遂不歸俗長舒臨死還發俗念輒病委頓卒爲沙門以舍利安江夏塔中

晉大興中於潛董汪信尚木像夜有光明後像側有聲投地視乃舍利水中浮沉五色晃昱右行三市後沙門法恒看之遂騰踊高四

五尺投恒懷中恒曰若使恒興立寺宇更見

威神又躍于前於即恒建寺塔於潛入法者日以十數焉

晉大興中北人流播廣陵日有千數有將舍利者建立小寺立刹舍利放光至于刹峯感動遠近

晉咸和中北僧安法開至餘杭欲建立寺無貲財手索錢貫貨之積年得錢三萬市地作屋常以索貫爲資欲立刹無舍利有羅幼者先自有之開求不許及開至寺禮佛見幼舍

利囊已在座前即告幼幼隨來見之喜悅與開共立寺宇於餘杭也

晉咸康中建安太守孟景欲建刹立寺於夕聞牀頭鏘然視得舍利三枚因立寺刹元嘉十六年六月舍利放光通照上下七夕乃止

### 一切咸見

晉義熙元年有林邑人嘗有一舍利每齋日有光沙門慧邃隨廣州刺史刁達在南敬其光相欲請之未及發言而舍利自分爲二達聞心悅又請留敬而又分爲三達欲摸長干像寺主固執不許夜夢人長數丈告曰像貴宣導何苟吝耶明報聽摸既成達以舍利著像髻中西來諸像放光者多由舍利故也宋元嘉六年賈道子行荆上明見芙蓉方發聊取還家聞華有聲恠尋得一舍利白如真

珠焰照梁棟敬之擎以箱案懸于屋壁家人每見佛僧外來解所被衣雖坐案上有人寄宿不知汙漫之乃夢人告曰此有釋迦真身衆聖來敬爾何行惡死墮地獄出爲奴婢何得不怖其人大懼無幾頃死舍利屋地生荷

八枝六旬乃枯歲餘失之不知所去

宋元嘉八年會稽安平載者家門奉佛夜有扣門者出見十餘人著赤衣運財積門內云官使作佛圖忽無所見明至他家齋食上得一舍利紫金色椎打不碎以水行之光明照發便自舉敬常有異香後出欲禮忽而失之尋覓備至半日還時臨川王鎮江陵迎而行之雜光間出佐史沙門咸見不同王捧水器呪曰云云輒應聲光出夜見百餘人遶舍利屋燒香持華如佛出狀及明人及舍利俱失

宋元嘉九年潯陽張須元家設八關齋道俗數十人見像前華上似冰雪視得舍利數十便以水行之光焰相屬後遂之數日開厨更視獲牙蓋中有白蠶裹舍利十枚光焰屬諸處咸來請之

第十一

十二

宋元嘉十五年南郡劉凝之隱衡山徵不出奉五斗米道不信佛法夢見人去地數丈曰汝疑方解覺忽反悟旦夕勤至半年禮佛忽見額下有紫光揣光處得舍利二枚割擊不損水行光出復於食時口中隱齒吐出有光妻息又獲一枚合有五枚後又失之尋爾又得

宋元嘉十九年高平徐椿讀經及食得二舍利盛龕中後看漸增乃至二十後寄廣陵令劉馥馥私開之空龕椿在都忽自得之後退

轉皆失舍利應現值者甚多皆敬而得之慢而失之舍利東流綿歷帝代傳記所及略陳萬一由事相重沓屢現非奇佛化潛隱誠其致也然有國興塔無勝隋代一化之內百有餘所神瑞開發陳諸別傳今略出之以顯感

補十

十三

德也

隋文帝立佛舍利塔

二十八州起塔五十三州感瑞

雍州仙遊寺

岐州鳳泉寺

華州思覺寺

同州大興國寺

涇州大興國寺

蒲州栖巖寺

秦州岱岳寺

并州無量壽寺

定州恒岳寺

嵩州閑居寺

相州大慈寺

廓州連雲岳寺

衡州衡岳寺

襄州大興國寺

牟州巨神山寺

吳州大禹寺

### 蘇州虎丘山寺

右此十七州寺起塔出打制物及正庶物造

秦州

瓜州

楊州

益州

亳州

桂州

交州

汝州

番州

蔣州

鄭州

右此十一州隨逐山水州縣寺等清淨之處起塔出物同前也

門下仰惟正覺大慈大悲救護群生津梁庶品朕歸依三寶重興聖教思與四海之內一切人民俱發菩提修福業使當今見在爰

及來世永作善因同登妙果宜請沙門三十人諳解法相兼堪宣導者各將侍者二人并散官各給一人熏陸香一百二十斤馬五疋分道送舍利往前件諸州起塔其未注寺就有山水寺所起塔依前山舊無寺者於本州

內清淨寺處建立其塔所司造樣送往本州僧多者三百六十人其次二百四十人其次一百二十人若僧少者盡見在僧爲朕皇后太子諸王子孫等及内外官人一切民庶幽顯生靈各七日行道并懺悔起行道日打刹

補十

十四

莫問同州異州任人布施錢限至十文已下不得過十文所施之錢以供營塔若少不充役丁及用庫物率土諸州僧尼並爲舍利設齋限十月十五日午時同下入石函總管刺史以下縣尉以上自非軍機停常務七日專檢挾行道及打刹等事務盡誠敬副朕意焉主者施行

仁壽元年六月十三日內史令豫章王臣暕

宣舍利感應記二十卷

隋著作郎  
王邵撰

皇帝昔在潛龍有婆羅門沙門來詣宅上出

舍利一裹曰檀越好心故留與供養沙門既去求之不知所在其後皇帝與沙門曇遷各置舍利於掌而數之或少或多並不能定曇遷曰曾聞婆羅門說法身過於數量非世間所測於是始作七寶箱以置之神尼智仙言

曰佛法將滅一切神明今已西去兒當爲普天慈父重興佛法一切神明還來其後周氏果滅佛法隋室受命乃興復之皇帝每以神尼爲言云我興由佛故於天下舍利塔內各作神尼之像焉皇帝皇后於京師法界尼寺造連基浮圖以報舊願其下安置舍利開皇十五年季秋之夜有神光自基而上右遶露盤赫若冶鑪之燄其旬內四度如之皇帝以仁壽元年六月十三日御仁壽宮之仁壽殿本降生之日也歲歲於此日深心永念修

營福善追報父母之恩故延諸大德沙門與論至道將於海內諸州選高爽清靜三十處各起舍利塔皇帝於是親以七寶箱捧三十舍利自內而出置于御座之案與諸沙門燒香禮拜願弟子常以正法護持三寶救度一

篇十十五  
切衆生乃取金瓶琉璃瓶各三十以琉璃瓶盛金瓶置舍利於其內熏陸香爲泥塗其蓋而印之三十州同刻十月十五日正午入於銅函石函一時起塔諸沙門等各以舍利奉送諸州一切道俗各盡境內嚴持香華寶幢音樂掃灑道路盡誠竭力奉迎舍利不可具

陳各感靈瑞備如廣傳今略寫十餘以示後人皇帝爾日共皇后太子宮內妃嬪精誠用心竭力懺悔普爲舍識共結善緣皇帝見一異僧被褐色覆膊以語左右曰勿驚動他置

之爾去已重數之果不須現舍利之將行也皇帝曰今佛法重興必有感應其後處處表奏皆如所言皇帝當此十月之內每因食次於齒下得舍利皇后亦然以銀盤盛水浮其一出示百官湏更忽見有兩粒右旋相著二

篇十一十六  
貴人及晉王昭豫章王暕蒙賜覲勅令審視之各於覲內得舍利一未過二旬宮內凡得十九多放光明自是遠近道俗所有舍利率奉獻焉皇帝曰何必皆是真身諸沙門相與椎試之果有十三玉粟其真舍利鐵穿而無

損

雍州城西盩厔縣南仙遊寺立塔之日天降陰雪晦嶺重厚舍利將下昏雲忽散日光朗照道俗散畢雲合如舊

篇十二十六  
岐州鳳泉寺立塔感得文石如玉爲函又現

雙樹鳥獸靈祥基石變如水精

華州思覺寺立塔初陰雪將欲下舍利日光  
晃朗五色氣光高數十丈照覆塔上屬天降  
寶華

同州大興國寺立塔值雨無壅鄣處及舍利

入函忽然雲啓馳散日光照曜復有神光重

遶於日至十二月內夜光照五十里

涇州大興國寺立塔三處各送舊石非世所  
有合用爲函恰然相可

蒲州栖巖寺立塔地震山吼鐘鼓大聲又放

光五道至二百里皆見

泰州岱岳寺立塔夜振鼓聲三重門自開有

騎從廟出迎光瑞非一

并州無量壽寺立塔初晝昏雲重將下舍利

入函天晴日照復放神光五道天神現形莫

補十

十一

定州恒岳寺立塔之日有見異老公來施布  
負土畢已失之舊此無水忽有水流前後非  
一

嵩州閑居寺立塔感得白兔來至譽前初陰  
雪將下日朗入已復合

相州大慈寺立塔之日天陰降雪將下舍利

入函日出下後復合天雨奇華連注極多

廓州法講寺立塔初行郊西爾夜廓州光瑞

高數丈從東來入地內外皆見

衡州衡岳寺立塔四遇逆風四乞順水峯上

白雲闊二丈直至基所三市乃去

襄州大興國寺立塔初天陰將下日朗入函  
雲合

牟州巨神山寺立塔獲紫芝二莖陰雪將下

日開闔還合

吳州會稽山大禹寺立塔舍利汎度五江風  
波皆不起又放神光獲得紫芝

蘇州虎丘山寺立塔掘基得一舍利空中天  
樂人皆聞之井孔三日舍利方至

秦州靜念寺立塔定基已瑞雲再覆雪下草  
木開華入函光照聲贊

揚州西寺立塔久旱舍利入境夜雨普洽

益州法聚寺立塔初陰晦冥將下日朗奄已  
便陰

亳州開寂寺立塔界內無石別處三石合而  
成函基至磐石二浪井夾之

桂州緣化寺立塔未至十里鳥有千許夾輿  
行飛入城乃散

此下文缺

汝州興世寺立塔初陰雲雪將下天晴入函

畢已陰雲還合

番州靈鷲寺立塔坑內有神仙現騰雲氣像  
蔣州栖霞寺立塔隣人先夢佛從西北來入  
寺及至如夢

鄭州定覺寺立塔之日感得神光如流星入  
寺設供二千萬人食不盡

隨州智門寺立塔掘基得神龜甘露降黑蜂

遶龜有符文

此下非二十八州數

隨州官人王威送流人九十道逢舍利善心  
共發放之爲期其囚被放千里一期無一逃

者隨州人於湏水作魚獄三百古來傳業既  
見舍利悉決放之永斷茲惡餘州亦効矣  
青州勝福寺起塔掘基遇自然盤石函將入  
塔有光瑞現

慶舍利感應表

并答

隋安德王雄百官等臣雄等言臣聞大覺圓  
備理照空有至聖虛凝義無生滅故雖形分  
聚芥尚貯金闢體散吹塵猶興寶刹自釋提  
請灰之後育王建塔以來未有分布舍利紹  
隆勝業伏唯皇帝積因曠劫宿證菩提降迹  
輔十九  
人皇護持世界徃者道消在運仁祠廢毀慈  
燈滅影智海絕流皇祚既興法鼓方振區宇  
之內咸爲淨土生靈之類皆覆梵雲去夏六  
月爰發詔旨延請沙門奉送舍利於三十州  
以十月十五日同時起塔而蒲州栖巖寺規  
模置塔之所於此山上乃有鐘鼓之聲舍利  
在講堂內其夜前浮圖之上發大光明爰及  
堂裏流照滿室將置舍利於銅函又有光若  
香爐乘空而上至浮圖寶瓶復起紫燄或散  
或聚皆成蓮華又有光明於浮圖上狀如佛

像華趺宛具停住久之稍乃消隱又有光明  
遶浮圖寶瓶蒲州城內仁壽寺僧等遙望山  
頂如樓閣山峯澗谷昭然顯現照州城東南  
一隅良久不滅其栖巖寺者即是太祖武元  
皇之所建造又華州置塔之處于時雲霧大  
雪忽即開朗正當塔上有五色相輪舍利下  
訖還起雲霧皇帝皇后又得舍利流輝散彩  
或出或沉自非至德精誠道合靈聖豈能神  
功妙相致此奇特臣等命偶昌年既覩太平  
之世生逢善業方出塵勞之境不勝抃躍謹  
奉拜表陳賀以聞謹奏勑答門下仰惟正覺  
覆護群品濟生靈於苦海救愚迷於火宅朕  
所以至心迴向結念歸依思與率土臣民爰  
乃幽顯同崇勝業共爲善因故分布舍利營  
建神塔而大聖慈愍頻示光相宮殿之內舍

利降靈莫測來由自然變現歡喜頂戴得未曾有斯實群生多幸延此嘉福豈朕微誠所能致感覽王公等表悚敬彌深朕與王公等及一切民庶宜更加勉勵興隆三寶今舍利真形猶有五十所司可依前式分送海內庶

三塗六道俱免蓋纏禦識含靈同登妙果主者施行高麗百濟新羅三國使者將還各請一舍利於本國起塔供養詔並許之詔於京師大興善寺起塔先置舍利於尚書都堂十二月二日旦發焉是時天色澄明氣和風靜寶輿幡幢香華音樂種種供養彌徧街衢道俗士女不知幾千萬億服章行位從容有叙上柱國司空公安德王雄以下皆步從至寺設無遮大會而禮懺焉有青雀狎於衆內或抽佩刀擲以布於當人叢而下都無所傷

仁壽二年正月二十三日復分布五十三州建立靈塔令總管刺史已下縣尉以上廢常務七日請僧行道教化打刹施錢十文一如前式期用四月八日午時合國化內同下舍利封入石函所感瑞應者別錄如左

恒州瑞華綱城無雲雨下天降泉州循州營州放三  
州瑞華綱城如此白光感得古塔人皆不識  
石解作函塔上五色雲現從午至暮洪州白頭鳥引杭州掘基有白  
幽州函如水鏡瀘州基內有紫芝現冀州有惠言人及孽皆差  
州塔上五色雲現從午至暮徐州函現仙人莒州三現神  
州塔上五色雲現從午至暮齊州萊州楚州野鹿來聽江鷺翔塔上聽江荊州野鹿來聽江鷺翔塔上聽江  
州地出潭州舍利至江毛州天雨金銀華貝州天雨金銀華  
宋州井苦變甘旋光趙州放赤光濟州放赤光  
州雲蓋塔上蘭州基下得石像兗州壽州信州利州二社神光香氣

法苑珠林卷第四十

州	月放光如	州	月放光如
得入人	靈益如飛仙	得入人	靈益如飛仙
州	泉涌病得愈	州	泉涌病得愈
見覆塔	靈益如飛仙	見覆塔	靈益如飛仙
州	去州九	州	去州九
曹州	最繁	安州	最繁
豫州	五色光現	豫州	五色光現
梓州	五色光現	梓州	五色光現
魏州	數放光	黎州	數放光明
潞州	靈泉自涌	潞州	靈泉自涌
病遇得差	病遇得差	天雨寶華	天雨寶華
州	病遇得差	州	病遇得差
沉州	汴州異香放光	沉州	汴州異香放光
州	見像患差	州	見像患差
曹州	最繁	安州	感香一夕放
安州	雲益兼集	安州	雲益兼集
豫州	文字金色	豫州	文字金色
梓州	五色光現	梓州	五色光現
許州	顯	許州	顯
黎州	閉千秋	黎州	閉千秋
地	下	天	雨
下		地	天
千秋		千秋	
見		見	
像		像	
患		患	
差		差	

右總五十三州四十州已來皆有靈瑞  
不可備列具存大傳一

音釋

韜	他刀切	荐	才甸切	髡	即移切
也	也	也	也	也	也
僞	藏也	陽	盡也	燔	燔也
藏	也	斯義	也	燔	燔也
楚	也	義	也	燔	燔也
委	也	燔	燔	燔	燔也
也	也	燔	燔	燔	燔也
搆	搆	搆	搆	搆	搆
楚	楚	摩	摩	摩	摩
也	也	也	也	也	也
顧	顧	顧	顧	顧	顧
鶻	鶻	鶻	鶻	鶻	鶻
屬	屬	屬	屬	屬	屬
窜	窜	窜	窜	窜	窜
也	也	也	也	也	也
毫	毫	毫	毫	毫	毫
也	也	也	也	也	也
蟠	蟠	蟠	蟠	蟠	蟠
蕪	蕪	蕪	蕪	蕪	蕪
也	也	也	也	也	也
屋	屋	屋	屋	屋	屋
也	也	也	也	也	也
盞	盞	盞	盞	盞	盞
屋	屋	屋	屋	屋	屋
也	也	也	也	也	也
屋	屋	屋	屋	屋	屋
也	也	也	也	也	也
彎	彎	彎	彎	彎	彎
也	也	也	也	也	也
宜	宜	宜	宜	宜	宜
也	也	也	也	也	也